

ELEKTRONSKE VIJESTI

April 2017

Poštovani,

U ovomjesečnom broju elektronskog biltena Vam donosimo novosti objavljene na web stranici Vanjskotrgovinske komore Bosne i Hercegovine, listu otvorenih poziva/tendera, nove ponude preduzeća iz inostranstva, novosti partnera konzorcija EEN FBiH, kalendar događaja poslovnog povezivanja kao i aktuelne informacije iz EU iz različitih oblasti.

Novosti Vanjskotrgovinske komore BiH:

[Poziv za učešće na poslovnim susretima „AgroB2B@NSFair“ u okviru Novosadskog sajma](#)



Evropska preduzetnička mreže u Srbiji – Privredna komora Srbije i Biznis inkubator Novi Sad, u saradnji sa Novosadskim sajmom, i u suorganizaciji Vanjskotrgovinske/Spoljnotrgovinske komore Bosne i Hercegovine (kao koordinator EEN Mreže FBiH), poziva privredne subjekte i druge zainteresovane iz Bosne i Hercegovine da učestvuju na međunarodnim poslovnim susretima – AgroB2B@NSFair, koji će se održati 15. maja 2017. godine u okviru Sajma poljoprivrede u Novom Sadu.

Međunarodni poljoprivredni sajam u Novom Sadu je vodeći sajam iz oblasti agrobiznisa na prostoru Zapadnog Balkana i Jugoistočne Evrope. U 2016. godini ovaj sajam je okupio preko 1.600 izlagača iz 60 zemalja.

AgroB2B@NSFair želi da podstakne poslovnu saradnju izraženu kroz veći obim razmjene prehrambenih proizvoda sa inostranstvom, kroz povezivanje proizvodnje, zajedničkih ulaganja i nastupa na trećim tržištima i sl. Posebno će se podsticati saradnja u oblasti razmjene znanja i tehnologije u unapređenju konkurentnosti kroz zajedničko učešće u nacionalnim i evropskim programima i fondovima.

Osnovna ciljna grupa jesu proizvođači i trgovci hrane i pića, međutim događaj je otvoren i za sektore poput:

- poljoprivredna mehanizacija i oprema,
- đubrivo i zaštita bilja,

- pakovanje
- obnovljivi izvori energije,
- oprema za proizvodnju i preradu hrane,
- primenjene nauke i istraživanja itd.

Učešće na događaju je besplatno, a učesnici moraju sami sebi obezbediti ulaznicu za sajam i pokriti eventualne troškove prevoza i smještaja u Novom Sadu.

Rok za prijavu: 07.05.2017.godine

[Izložbe u Ujedinjenim Arapskim Emiratima u 2017. godini](#)



Vanjskotrgovinska/Spoljnotrgovinska komora Bosne i Hercegovine obaviještena je od Islamske komore trgovine i industrije (ICCIA) da će se u Ujedinjenim Arapskim Emiratima od aprila do decembra 2017. godine održati 36 različitih izložbenih, konferencijskih i sajmских manifestacija.

[Poziv za učešće na obuci "Stručnjak za EU fondove"](#)



Vanjskotrgovinska/Spoljnotrgovinska komora Bosne i Hercegovine u saradnji sa kompanijom PlanB d.o.o., koja je predstavnik VCC fondacije iz Poljske, organizira specijalistički program edukacije na temu "Stručnjak za EU fondove". Program edukacije omogućava polaznicima sticanje neophodnih teoretskih i praktičnih znanja o EU programima u okviru kojih potencijalni polaznici iz Bosne i Hercegovine mogu prijaviti projektne prijedloge.

U toku edukacije polaznici će imati priliku da se upoznaju sa svim otvorenim EU programima, relevantnim za preduzeća i druge institucije u Bosni i Hercegovini odnosno IPA II i HORIZON 2020, COSME program koji je nedavno otvoren za Bosnu i Hercegovinu kao i ostalim EU programima. Ovaj program edukacije će omogućiti polaznicima da provedu najveći dio vremena radeći praktične vježbe na konkretnim projektnim prijedlozima od njihovog interesa, uz podršku experta iz oblasti pripreme, izrade i implementacije EU projekta.

Učesnici edukacije imat će priliku čuti predavanje Elene Rudeshko, jednog od vanjskih konsultanata firme PlanB d.o.o. , na temu kako postati evaluator za Evropske fondove i šta to znači kada radite kao stručnjak u praksi. Gđa. Rudeshko ima veliko iskustvo u IT industriji sa fokusom na poboljšanje poslovnih procesa kompanije i njihovih usluga, te desetogodišnje iskustvo u procesu "klijenta – dobavljača" sa Fortune-500 kompanija. Višegodišnje iskustvo Elene Rudeshko uključuje i account management, upravljanje projektima, razvoj poslovanja, razvoj softvera, lokalizacije softvera, sigurnost informacija, te certifikat ISO 27001. Rudeshko je nosilac EMBA diplome IEDC – Bled School

of Management. Pored toga, Rudeshko je uključena i u različite međunarodne projekte i konferencije kao nezavisni stručnjak, te za provedbu projekata za Evropsku komisiju. Posljednji projekat je uključivao FP7 i Horizon 2020 program.

[Poziv za učešće na regionalnoj konferenciji o telekomunikacijama i medijima „Digital 2017”](#)



Vanjskotrgovinska/Spoljnotrgovinska komora Bosne i Hercegovine obaviještena je da će se 7. i 8. septembra 2017. godine u Beogradu, u organizaciji Color Press Group, održati regionalna konferencija o trendovima u telekomunikacijama i medijima „Digital 2017.

[Poziv za učešće na poslovnim susretima „ICT Spring Europe 2017”](#)



Evropska preduzetnička mreža u Luksemburgu, u suorganizaciji sa Vanjskotrgovinskom/Spoljnotrgovinskom komorom Bosne i Hercegovine (kao koordinatorom EEN Mreže FBiH), organizuje poslovne susrete pod nazivom „ ICT Spring Europe 2017 “ koji će se održati 09. i 10. maja 2017. godine u Luksemburgu.

Ovaj događaj je jedan od najvećih međunarodnih evropskih konferencija za informacijsko-komunikacijske tehnologije. Na događaju će biti predstavljeni najnoviji trendovi i inovacije u ovoj oblasti i razgovarano o njihovom utjecaju na društvo i svijet rada.

2016. na tom događaju je održano preko 376 poslovnih sastanaka, a učestvovala su 93 kompanije iz 15 zemalja.

Događaj će obuhvatiti četiri tematska područja, i to:

- Finansijska tehnologija: blockchain tehnologija/bankarstvo,
- Digitalizacija: pripovijedači/budućnost filmova/digitalna stvarnost/nove digitalne granice,
- Svemir: tehnologija, finansiranje, konkurentnost, poduzetništvo/istraživanje svemira (osvajanje svemira, prostorno, posmatranje zemlje, svemirski resursi) i
- Industrija: Industrija 4.0 /budućnost automatizacije /kružna ekonomija.

Učešće na B2B susretima za sve kompanije koje se registruju preko EEN mreže se naplaćuje.

Učešće jednog predstavnika kompanije je 100 EUR, a za svakog dodatnog učesnika iz kompanije je 75 EUR.

[Poziv za učesće na Forumu Strategije EU za Jadransko- jonsku regiju \(EUSAIR\)](#)



Republika Grčka, u saradnji sa Evropskom komisijom i uz podršku EUSAIR-a Facility Point (strateški projekat koji je finansiran u okviru INTERREG V-B A-I Cooperation Programme 2014-2020), organizuje 2. Forum Strategije EU za Jadransko- jonsku regiju (EUSAIR) koji će se održati 11. i 12. maja 2017. godine u gradu Ioannina (Grčka).

Jedan od suorganizatora ovog foruma je i Vanjskotrgovinska/Spoljnotrgovinska komora Bosne i Hercegovine.

Cilj poslovnih susreta je okupiti učesnike iz svih osam zemalja potpisnica EUSAIR strategije (Bosna i Hercegovina, Grčka, Italija, Slovenija, Albanija, Hrvatska, Crna Gora i Srbija) i putem unaprijed dogovorenih poslovnih sastanaka otvoriti mogućnost pronalaska prekograničnih partnera za nove poslovne prilike.

Teme sastanaka su:

plave tehnologije, akvakulture i ribarstvo, prehrambena industrija (hrana i pića), diversifikacija turističkih proizvoda i usluga, inovacija u turizmu, produženje turističke sezone, međusektorski pristup u turizmu (IT, energetska efikasnost , zdravlje...), pomorski transport i energetske mreže.

Na Forumu će učestvovati, pored potpisnica EUSAIR strategije, predstavnici i povjerenici Evropske komisije, lokalne i regionalne jedinice samouprave, privatnog sektora, akademske zajednice i civilnog društva.

Ko može učestvovati:

- MSP (turističke agencije, operateri, brodovlasnici, marine, skiperi na jahtama,...)
- univerziteti,
- komore,
- klasteri i
- ostale institucije iz Jadransko-jonske regije.

Učesće na poslovnim sastancima je besplatno.

Krajnji rok za registraciju je 05. maj 2017. godine.

[Poziv za učesće na sajmu turizma i ekologije „LIST“ 2017](#)



Lukavački sajam, u saradnji sa Općinom Lukavac i Turističkom zajednicom Tuzlanskog kantona, a uz podršku Federalnog ministarstva okoliša i turizma i Vlade Tuzlanskog kantona, organizuje 15.

međunarodni sajam turizma i ekologije "LIST" 2017, koji će se održati u Lukavcu u terminu od 11.05.-13.05.2017.godine.

Partner ovogodišnjeg sajma je Turistička organizacija Zlatibor.

Na sajmu „LIST 2016“ predstavilo se 130 izlagača iz 10 zemalja (Mađarske, Turske, Albanije, Srbije, Hrvatske, Crne Gore, Slovenije, Indonezije, Malezija i BiH) na 3.000 m² izložbenog sajamskog prostora. Izlagači su svoje proizvode i usluge prezentovali pred cca. 15.000 – 20.000 posjetilaca iz cijele BiH i regiona.

I ove godine, prema najavi organizatora, na LIST-u će učestvovati izlagača iz oblasti turizma, ugostiteljstva, ekologije, sporta i drugih privrednih grana. Programom sajma predviđeno je održavanje prezentacije gastro ponude BiH, seminara i stručnih predavanja iz turizma i bliskih djelatnosti, te sportskih takmičenja i bogat kulturno-zabavni program.

Novosti partnera Konzorcija EEN FBiH

[ZEDA–Zenička razvojna agencija: Održan prvi tech. knowdays u Zenici- VR, Dronovi, Roboti i moderna tehnologija ICC](#)



11. aprila 2017. godine, u prostorijama Impulsnog kreativnog centra Agencije ZEDA održan je događaj pod nazivom "tech.knowdays2017" koji su zajedno organizovali Impulsni kreativni centar Agencije ZEDA, SPARK busines park Mostar i predstavnici iDEALab Mašinskog fakulteta u Zenici.

Oficijelni dio programa obuhvatio je predstavljanje organizatora nakon čega je uslijedilo zvanično potpisivanje Memoranduma o saradnji između predstavnika Agencije ZEDA i SPARK poslovnog parka.

Događaj je posjetio veliki broj mladih ljudi iz našeg grada među kojima su bili učenici osnovnih (OŠ „Meša Selimović“, OŠ „Musa Ćazim Ćatić“, OŠ „Edhem Mulabdić“), srednjih škola (Srednja mješovita škola „Mladost“, Tehnička škola, Prva gimnazija u Zenici, Opća gimnazija „Sveti Pavao“ u Zenici) te studenti zeničkih fakulteta (Mašinski fakultet, Pravni fakultet i Ekonomski fakultet) i mnogi drugi gosti.

Između 350-400 gostiju imali su priliku da se upoznaju kako izgleda VR realnost, kako se skenira objekat 3D tehnologijom, printa na 3D printeru, obrađuje CNC tehnologijom ili kako se upravlja robotom i još mnogo toga.

[RAUSK \(Razvojna agencija Unsko-sanskog kantona\): Uz podršku IT stručnjaka iz Chicaga krenuli u nastavak aktivnosti formiranja prvog Co-working prostora u Bijaću](#)



U organizaciji Razvojne agencije Unsko-sanskog kantona i partnerstvu s Privrednom komorom Unsko-sanskog kantona nastavljene su aktivnosti započete u Zagrebu pod nazivom „Chicago Collaboration Week“ što se održava pod pokroviteljstvom Američke vlade i organizacije WorldChicago-a, a sve kako bi inicijativa o uspostavljanju Co-working prostora i programa započela sa realizacijom u Bihaću. Uz razgovor sa Gillian Downey formirano je nekoliko pravaca u kojima će Razvojna agencija USK i Privredna komora USK uz podršku Grada Bihaća i mladih ljudi iz ICT sektora i sektora kreativne industrije djelovati kako bi uspostavili prvi IT hub u Bihaću. Co-working prostor će služiti kao bihaćki IT hub u kojem će se krenuti prije svega s aktivnostima educiranja mladih ljudi koji imaju afinitet prema tehnologiji u skladu s trenutnim trendovima koje internacionalni i lokalni poslodavci traže, održavanje događaja i radionica iz oblasti tehnologije i poduzetništva, omogućavanje freelancerima i ljudima u prolazu da koriste ovaj Co-working prostor za rad i za razvijanje novih ideja, te raznih radionica i takmičenja kako bi promovisali trend započinjanja karijere u ICT sektoru.

Uz podršku grada Bihaća, nakon radionice održan je ručak s gradonačelnikom Šuhretom Fazlić koji je prepoznao ideju i koji će podržati projekat na način da će osigurati prostor grada Bihaća na korištenje za potrebe Co-working prostora, a koji u narednom periodu može prerasti u inkubator za naše lokalne start-upove.

RAUSK: Razvojna agencija Unsko-sanskog kantona učestvovala u Zagrebu na „2nd Chicago Collaboration Week“



U Zagrebu je 6. i 7. aprila održan „2nd Chicago Collaboration Week“ na kojem je učestvovala i Razvojna agencija Unsko-sanskog kantona.

Cilj događanja bio je upoznati startupove, poduzetnike, poduzetničke potporne institucije i studente s američkom dobrom praksom kroz različita predavanja i radionice na temu poduzetništva.

2nd ChicagoCollaborationWeek započeo je s predstavljanjem hrvatskog i američkog inovacijskog ekosustava.

Nakon uvodnih govora, zamjenika predsjednika Uprave HAMAG-BICRO-a Borisa Guine te predsjednice World Chicaga Peggy Parfenoff, američka veleposlanica Juliet Valls Noyes je izjavila kako smo na putu ekonomskog oporavka, ali za daljnji rast moramo poduzimati rizike, ulagati u poduzetništvo te u mlađu generaciju.

[UNSA \(UNIVERZITET U SARAJEVU\): Sajam Univerziteta i univerzitetske knjige](#)

Obavještavamo vas da se *Sajam Univerziteta i univerzitetske knjige* održava u KJP Centar „Skenderija” od 19. do 24. aprila 2017. godine u okviru *29. međunarodnog sajma knjiga*.

U misiji integracije Univerziteta u Sarajevu izdavačka produkcija ove, najbolje rangirane visokoškolske ustanove u Bosni i Hercegovini izložena je i predstavljena na jednom zajedničkom štandu, na kojem Univerzitet u Sarajevu prezentira i svoju ponudu studijskih programa.

Cilj ove manifestacije je da se prije raspisivanja konkursa za upis studenata u prvu godinu studija u akademskoj 2017/2018. godini svršeni srednjoškolci, budući studenti, informiraju o nastavnim planovima i programima fakulteta i akademija, o uvjetima upisa i studiranja, odnosno da im se pomogne pri izboru budućeg studija.

[UNSA \(UNIVERZITET U SARAJEVU\) : Održan Erasmus+ info dan i radionica](#)

S ciljem približavanja informacija o programu Erasmus+, Služba za međunarodnu saradnju Univerziteta u Sarajevu je u utorak 18. aprila 2017. godine organizirala međunarodni informativni dan za studente, nastavnike i saradnike Univerziteta u Sarajevu.

Pored informacija o otvorenim Erasmus+ konkursima, održani info dan je poslužio i kao radionica u okviru koje je detaljno objašnjen postupak prijavljivanja, te su predstavljene informacije o traženoj dokumentaciji, pravilnom ispunjavanju prijave i ključnim fazama koje uključuju potpisivanje dokumenata, način dostavljanja i dr. Info dan i radionica su organizirani kako bi se studentima, nastavnicima i saradnicima Univerziteta u Sarajevu olakšao proces prijave i kako bi im bilo omogućeno da provedu akademsku/administrativnu mobilnost u inostranstvu.

Erasmus+ info danu i radionici prisustvovali su i predstavnici Univerziteta u Portu (Portugal) i Univerziteta u Jaenu (Španija) koji su prezentirali akademsku ponudu na njihovim univerzitetima i mogućnosti prijavljivanja.

[UNSA \(UNIVERZITET U SARAJEVU\) : Potpisan Memorandum o razumijevanju između Univerziteta u Sarajevu i Univerziteta Bezmiâlem Vakif](#)



Potpisivanje Memoranduma o razumijevanju između Univerziteta u Sarajevu i Univerziteta Bezmiâlem Vakif (Istanbul, Turska) upriličeno je u petak 31. marta 2017. godine u Rektoratu Univerziteta u Sarajevu.

Memorandum o razumijevanju, koji su potpisali prof. dr. Rifat Škrijelj, rektor Univerziteta u Sarajevu i prof. dr. Rûmeyza Kazancıođlu, rektorica Univerziteta Bezmiâlem Vakif, predviđa pružanje podrške i promoviranje međusobne akademske saradnje u obrazovanju i naučnom istraživanju, te saradnju kroz uzajamno povezivanje i razmjenu nastavnika, osoblja i studenata.

U toku sastanka je istaknuto je da će u akademskoj 2016/2017. godini Univerzitet Bezmiâlem Vakif odabrati studente za obavljanje prakse na Univerzitetu u Sarajevu, a u istom periodu Univerzitet u Sarajevu će odabrati studente koji će obaviti praksu u bolnici koja je u sastavu Univerziteta Bezmiâlem Vakif.

Poslovne ponude za april 2017

Baza podataka (objavljeno):

Prije sedam dana: 18.

Prije mjesec dana: 100.

Prije devedeset dana: 278.

Prije godinu dana: 818.

Ažurirano: 13.04.2017.

Napomene:

Sve ponude koje su prezentovane u Biltenu poslovne saradnje za april 2017. godine odabrane su iz Baze poslovne saradnje EEN mreže po kriterijima koji su prilagođeni proizvođačima i onim davaocima usluga iz Bosne i Hercegovine koji su izvozno opredjeljeni, tj. daje se prednost onim ponudama iz inostranstva koje bi u slučaju realizacije povećale izvoz roba i usluga iz Bosne i Hercegovine.

Putem dole datog linka možete pronaći opciju search (Partnering opportunities) i SAMI pregledati sve poslovne ponude/zahtjeve od strane ino-preduzeća:

<http://een.ec.europa.eu/tools/services/SearchCenter/Search/ProfileSimpleSearch?shid=32db25cb->

EEN BiH PS 1 – April 2017

Objavljena: 20.10.2016.

Ističe: 20.10.2017.

Ažurirana: 14.04.2017.

Naslov: Rumunska kompanija specijalizovana za distribuciju školskog i kancelarijskog materijala je u potrazi za dobavljačima radi potpisivanja ugovora o distribuciji.

Opis: Rumunska kompanija specijalizovana za distribuciju školskog i kancelarijskog materijala je u potrazi za dobavljačima. Rumunska kompanija je aktivna na tržištu od 2002. godine i specijalizovana je za veleprodaju navedenog pribora kao što su: - Sveske (standardnog i premijum kvaliteta), - Planeri, - Papiri namjenjeni za kopiranje, - Toneri, ketridži, mastila, - Pribor za pisanje, - Pernice, rančevi, - Knjige, kancelarijski materijal i - Igračke.

Vrsta saradnje: Od potencijalnog partnera se očekuje da bude proizvođač ili dobavljač visokokvalitetnih proizvoda po povoljnim cijenama čija će isporuka biti izvršena u zadanom roku.

EEN BiH PS 2 – April 2017

Objavljena: 05.12.2016.

Ističe: 05.12.2017.

Ažurirana: 14.04.2017.

Naslov: Švedska kompanija traži proizvođače deterdženata (sredstava za čišćenje)

Opis: Švedska kompanija specijalizovana za dobavljanje sportskih proizvoda za održavanje sportske opreme je u potrazi za dobavljačima deterdženata. Kompanija želi da razvije ili brendira već postojeći proizvod koji se može koristiti za održavanje sportske opreme. Namjena proizvoda je uklanjanje neprijatnog mirisa i mrlja sa sportske opreme (sportske odjeća, pribor i obuća). Prednost imaju ekološki osvještani proizvođači radi potpisivanja ugovora o proizvodnji. Firma je aktivna u oblasti sportske opreme i odjeće, a posebno je prepoznatljiva po proizvodima za čuvanje sportske odjeće i obuće od neugodnog mirisa. Kompanija želi da kupi (ako se proizvod pokaže kao dobar i efikasan u uklanjanju neugodnih mirisa i mrlja sa sportske opreme) ili da zajednički razvije i proizvede sredstvo namjenjeno uklanjanju neugodnih mirisa i mrlja sa sportske opreme. Potencijalni partner bi trebao da posjeduje proizvodni kapacitet od minimum 50.000 komada godišnje. Proizvodi moraju biti napravljeni od prirodnih, mikrofiber materijala i sa membranom kao što je Gore-Tex .

Vrsta saradnje: Od potencijalnog partnera se očekuje dugoročno iskustvo u industriji deterdženata kao i da ima i vlastiti razvojni tim. Partner bi trebao da proizvodi deterdžent u obliku kapsule.

EEN BiH PS 3 – Mart 2017

Objavljena: 16.01.2017.

Ističe: 16.01.2018.

Ažurirana: 14.04.2017.

Naslov: Ruski distributer proizvoda od metala je u potrazi za proizvođačima ili dobavljačima opreme za obradu metala.

Opis: Ruska kompanija specijalizovana za proizvodnju i distribuciju metalnih proizvoda je u potrazi za proizvođačima i dobavljačima alata za rezanje i opreme za obradu metala radi potpisivanja distribucijskog ugovora. Ova firma je prepoznatljiva po proizvodnji i distribuciji dijelova i komponenti napravljenih od nehrđajućeg čelika, nebojenih legura i ostalih materijala za mašinsko inženjstvo i medicinu. Kompanija je osnovana 2011. godine i ima za cilj da postane distributer za proizvođače alata za rezanje i opreme za obradu metala. Ova firma posjeduje rasprostranjenu mrežu klijenata na polju mašinskog inženjstva i ima certifikat ISO 9001- 2011.

Vrsta saradnje: Od potencijalnog partnera se očekuje isporuka robe na vrijeme uz neophodnu dokumentaciju. Kompanija je u mogućnosti da proširi svoj proizvodni asortiman u skladu sa proizvodnom ponudom stranog partnera.

EEN BiH PS 4 - April 2017

Objavljena: 03.03.2017.

Ističe: 03.03.2018.

Ažurirana: 14.04.2017.

Naslov: Ruska kompanija specijalizovana za šivenje i dizajniranje muške odjeće je u potrazi za fabrikama, krojačnicama i radionicama koje mogu prilagoditi mušku odjeću za rusko tržište.

Opis: Ruska kompanija specijalizovana za šivenje i dizajniranje muške odjeće je u potrazi za fabrikama, krojačnicama i radionicama koje mogu prilagoditi mušku odjeću za rusko tržište. Proizvodi bi trebali da budu dostavljeni u skladu sa svim postavljenim zahtjevima kvaliteta i uslovima proizvodnje na osnovu ugovora o proizvodnji, distribuciji ili franšizi. Firma je prepoznatljiva po proizvodnji muške odjeće: odijela za vjenčanja i posao, vesti, pantalona, kaputa i košulja. Ova firma je osnovana 2015. godine i u svojoj proizvodnji upotrebljava materijale od engleske i italijanske vune (super 80-220), tvida, uključujući dodatak vune, svile i akrila. Tkanine od vune se koriste za šivenje kaputa, a pamučne za košulje. Kompletna usluga od momenta prijema narudžbe do prve probe ne smije trajati duže od 25 dana.

Vrsta saradnje: Kompanija je u potrazi za potencijalnim partnerima koji bi šili odjeću po individualnim narudžbama kompanije u skladu sa postavljenim zahtjevima kvaliteta i uslovima proizvodnje. Kompanija bi dogovorila neka od tehničkih pitanja sa partnerom: uzorci, sistem mjerenja, vrstu materijala, rok dostave, uslove prevoza....

EEN BiH PS 5 - April 2017

Objavljena: 15.03.2017.

Ističe: 15.03.2018.

Ažurirana: 14.04.2017

Naslov: Poljski distributer dijelova za automobile je u potrazi za dobavljačima

Opis: Poljska kompanija koja je aktivna u oblasti veleprodaje i maloprodaje dijelova za automobile je u potrazi za stranim proizvođačima svih tipova rezervnih dijelova i opreme za auta radi povećanja

prodaje svojih proizvoda na poljskom tržištu i potpisivanja distribucijskog ugovora. Ova firma je osnovana 2015. godine i prepoznatljiva je kao nezavisna kompanija koja ima strane kupce i visoko je pozicionirana na tržištu rezervnih dijelova. Firma nudi prodaju rezervnih dijelova za svjetski poznate marke automobila. Proizvodni asortiman čine: rezervni dijelovi za automobile, oprema za automehaničarske radnje, rezervni dijelovi za održavanje automobila.

Vrsta saradnje: Firma je u potrazi za proizvođačima i dobavljačima svih vrsta rezervnih dijelova i opreme za svjetski poznate marke automobila koje žele ući na poljsko tržište ili povećati svoj tržišni udio.

EEN BiH PS 6- April 2017

Objavljena: 14.03.2017.

Ističe: 14.03.2018.

Ažurirana: 14.04.2017.

Naslov: Rumunska kompanija traži dobavljače organskih proizvoda i superhrane

Opis: Rumunska kompanija specijalizovana za veleprodaju organskih proizvoda i superhrane je u potrazi za proizvođačima i/ili dobavljačima istih koji su u mogućnosti dostaviti veću količinu proizvoda. Firma nudi potpisivanje ugovora o distribuciji. Firma je osnovana 2010. godine i glavna aktivnost je veleprodaja organskih proizvoda i superhrane. Asortiman proizvoda uključuje: orahe, sjemena bundeve, sjemena suncokreta, suhog voća, kakaovog brašna, kakaovog putera, agavinog sirupa, javorovog sirupa, kokosovog ulja, kokosovog šećera, kao i dijetalne hrane među kojima su: proizvodi od ječma, guarane, gravirole.... Skoro svi proizvodi (90%) imaju BIO certifikat. Kvalitet proizvoda je zagarantovan certifikatima o sigurnosti hrane koje kompanija posjeduje (HACCP), i eko hrane (RO-ECO-008). Firma je u potrazi za poslovnim partnerima kako bi proširila svoj portfolio. Zbog povećanih zahtjeva za organskim proizvodima na rumunskom tržištu firma je zainteresovana za dobavljačima BIO proizvoda nudeći saradnju na osnovu distribucijskog ugovora. Kompanija nudi: • iskustvo u prodaji i distribuciju, • široku mrežu klijenata sa rumunskog tržišta, • iskustvo u međunarodnoj trgovini i • komunikacija na engleskom, francuskom, italijanskom i mađarskom jeziku.

Vrsta saradnje: Ugovor o saradnji za nabavku proizvoda visokog kvaliteta koji su certificirani kao Bio proizvodi prema evropskim standardima.

EEN BiH PS 7- April 2017

Objavljena: 03.08.2015.

Ističe: 28.07.2017.

Ažurirana: 14.04.2017

Naslov: Poljska kompanija nudi usluge distribucije proizvođačima i dobavljačima alata

Opis: Poljska kompanija specijalizovana za prodaju alata za bušenje, sječenje i borere je u potrazi za proizvođačima ili dobavljačima sličnih proizvoda radi njihovog predstavljanja na lokalnom tržištu pod ugovorom o distribuciji. Firma se bavi veleprodajom alata skoro 15 godina. U potrazi je za proizvođačima ili dobavljačima sljedećih proizvoda: • različite vrste bušilica, • rezači, • šarafi, • brusne ploče, • lanci, • glave bušilice, • elektrode. Svi proizvodi bi trebalo imati neophodne certifikate. Kompanija ima iskustvo u saradnji sa stranim partnerima. Skoro 80% svojih aktivnosti uključuje uvoz proizvoda.

Vrsta saradnje: Prednosti za poslovne partnere su: fleksibilna saradnja i individualni pristup klijentima. Proizvodi bi trebali biti slični onima koje kompanija nudi. Svi proizvodi bi trebalo biti standardizirani i proizvedeni uz pomoć najnovije tehnologije.

EEN BiH PS 8 - April 2017

Objavljena: 26.10.2015.

Ističe: 26.10.2017.

Ažurirana: 14.04.2017.

Naslov: Mađarski proizvođač dodataka ishrane traži proizvođače hladno presovanog biljnog ulja

Opis: Mađarska kompanija koja se bavi proizvodnjom i prodajom ulja ekstrahovanog iz ljekovitog bilja, te dodataka ishrani u skladu s mađarskim zakonima i propisima, je u potrazi za evropskim proizvođačima hladno presovanog biljnog ulja. Proizvodi su bez konzervansa, aditiva i boja. Više od polovine njihovih proizvoda se radi po posebnom receptu, a oni su kompleksni dodaci ishrani.

Vrsta saradnje: Od potencijalnog partnera se očekuje da je proizvođač hladno presovanog biljnog ulja, čija je proizvodnja na istom nivou kvaliteta kao i mađarske kompanije. Poželjni su sertifikati kao što je HACCP i sertifikat Nacionalnog naučnog instituta za ispitivanje hrane i prehrane.

EEN BiH PS 9 – April 2017

Objavljena: 30.06.2015

Ističe: 24.06.2017.

Ažurirana: 14.04.2017.

Naslov: Bugarski proizvođač građevinskih i konstrukcijskih materijala traži dobavljače

Opis: Bugarski proizvođač građevinskih i konstrukcijskih materijala, kao i materijala za izradu namještaja je u potrazi za inovativnim dobavljačima radi dugoročne saradnje. Ova firma posjeduje 20-to godišnje iskustvo u veleprodaji i maloprodaji cjelokupnog asortimana građevinskih materijala kao i opreme za opravke, finalne radove, izolaciju, te dekoraciju domova. Firma želi distribuirati proizvode na bugarsko tržište koji su napravljeni od: keramike, mermera (za kupatila i kuhinje), stakla, porcelana, kovanog gvožđa, vulkanskog kamena itd..

Vrsta saradnje: Od potencijalnog partnera se očekuje da bude proizvođač, prodavač ili distributer, koji je u mogućnosti dostaviti konkurentne proizvode koji ispunjavaju potrebe klijenata na bugarskom tržištu, te radi sklapanja ugovora o distribuciji.

EEN BiH PS 10- April 2017

Objavljena: 01.12.2015.

Ističe: 01.12.2017.

Ažurirana: 14.04.2017.

Naslov: Britanska kompanija je u potrazi za inovativnim poklonima i igračkama

Opis: Britanska kompanija specijalizovana za prodaju proizvoda za bebe i djecu je u potrazi za partnerima proizvođačima proizvoda za djecu (0-4 godine). Ova firma svoje proizvode prodaje putem online trgovine i veletrgovine. Ponuda firme obuhvaća mješavinu vlastitih i ostalih brendiranih proizvoda, a uključuje sljedeće kategorije proizvoda: za spavanje, kupanje i presvlaku, igračke i darove, odjeću, sjedala, nosiljke...

Vrsta saradnje: Od potencijalnog partnera se očekuje dostavljanje visokokvalitetnih proizvoda i poklona za djecu .

Otvoreni pozivi i tenderi

HORIZON 2020

"HORIZON 2020" je do sada najveći program EU namijenjen istraživanju i inovacijama sa budžetom od 79,4 milijardi eura za period od 7 godina, odnosno od 2014. do 2020. godine. Program ima za cilj potaknuti ekonomski rast i otvoriti nova radna mjesta u Evropskoj uniji. "HORIZON 2020" objedinjuje istraživanje i inovacije i djeluje u tri prioriteta pravca – "Vrhunska nauka", "Industrijsko vodstvo" i "Društveni izazovi". Za prvi prioritet namijenjeno je 24,4 milijarde eura, za drugi 17 milijardi eura, a za treći 29,7 milijardi eura. Subjekti kojima je namijenjen ovaj program su akademski sektor, državnim organizacijama, privredi, srednjim i malim preduzećima,

udruženjima, nevladinim organizacijama itd. Bosna i Hercegovina je korisnik programa HORIZON 2020.

HORIZON 2020: (Excellent Science -Vrhunska nauka)
(Industrial Leadership - Industrijsko vodstvo)
(Societal Challenges - Društveni izazovi)

<http://ec.europa.eu/research/participants/portal/desktop/en/opportunities/h2020/index.html>

(Klikom na pojedine pozive, dobićete sve informacije koji se odnose na konkretni poziv: opis poziva, ukupan budžet, rokovi, kompletnu projektnu dokumentaciju, itd.)

Radni program (2016-2017)

http://ec.europa.eu/research/participants/portal/desktop/en/funding/reference_docs.html#h2020-work-programmes-2016-17

(Klikom na pojedine pozive, dobićete sve informacije koji se odnose na konkretni poziv: opis poziva, ukupan budžet, rokovi, kompletnu projektnu dokumentaciju, itd.)

Otvoreni pozivi u okviru " Horizon 2020 " za mala i srednja preduzeća

<https://ec.europa.eu/easme/en/horizons-2020-sme-instrument#2016-2017>

(Klikom na pojedine pozive, dobićete sve informacije koji se odnose na konkretni poziv: opis poziva, ukupan budžet, rokovi, kompletnu projektnu dokumentaciju, itd.)

COSME

Program **COSME** je novi program namijenjen prvenstveno malim i srednjim preduzećima (MSP) za jačanje njihove konkurentnosti na jedinstvenom tržištu Evropske unije. Program ima budžet od 2,3 milijardi eura i otvoren je za period 2014-2020. godine zajedno sa programom HORIZON 2020 . Program je pored MSP-a namjenjen regionalnim i lokalnim organizacijama, te institucijama institucije koje djeluju u svrhu podsticanja, promocije ili davanje podrške preduzetništvu. Cilj programa je da smanji administrativne i regulatorne poteškoće sa kojima se susreću MSP-ovi i to kreiranjem povoljnijeg okruženja za preduzeća. Bosni i Hercegovini će ovaj program biti dostupan od 2017 godine.

COS-CLUSINT-2016-03-01: Cluster Go International

<https://ec.europa.eu/easme/en/cos-clusint-2016-03-01-cluster-go-international/>

(Klikom na pojedine pozive, dobićete sve informacije koji se odnose na konkretni poziv: opis poziva, ukupan budžet, rokovi, kompletnu projektnu dokumentaciju, itd.)

Rok za prijavu: 23/05/2017

COS-EYE-2017-4-01: Erasmus for Young Entrepreneurs

<https://ec.europa.eu/easme/en/cos-eye-2017-4-01-erasmus-young-entrepreneurs>

(Klikom na pojedine pozive, dobićete sve informacije koji se odnose na konkretni poziv: opis poziva, ukupan budžet, rokovi, kompletnu projektnu dokumentaciju, itd.)

Rok za prijavu: 07/06/2017

EUREKA

EUREKA je evropska mreža za finansiranje tržišno orijentiranih projekata iz različitih tehničkih oblasti. Pokrenuta je 1985.godine od strane 17 zemalja članica iz Zapadne Evrope, danas ima 38 punopravnih članica. EUREKA pomaže izgradnju partnerstva kroz zajedničke multilateralne projekte s ciljem jačanja evropske konkurentnosti. Program je namijenjen istraživačkim institucijama i firmama, spremnim da zajedničkim ulaganjima u određenim programskim oblastima zajedno razvijaju nova tehnološka rješenja i proizvode. Na projektu moraju sudjelovati najmanje dva partnera iz dvije različite države. Od 2009-te godine Bosna i Hercegovina je punopravna članica programa EUREKA.

<http://www.eurekanetwork.org/content/eureka-network-projects>

Rok za prijavu: Poziv je otvoren tokom čitave godine.

KREATIVNA EVROPA

KREATIVNA EVROPA je novi program Evropske unije za podršku evropskoj kinematografiji, te kulturnom i kreativnom sektoru s ciljem njihovog doprinosa održivom rastu i zapošljavanju. Program je namijenjen za davanje podrške očuvanju i promovisanju evropske kulturne i jezičke raznolikosti, te davanju podrške jačanju konkurentnosti sektora, čime će se doprinijeti ostvarivanju ciljeva EU2020 strategije. Kako se navodi na zvaničnoj stranici Evropske komisije http://ec.europa.eu/culture/opportunities/index_en.htm i evropskih fondova (europski-fondovi.eu), program Kreativna Evropa otvoren je za zemlje članice EU, zemlje članice EFTA-e, države pristupnice, zemlje kandidate i potencijalne kandidate Evropske unije, te za zemlje obuhvaćene politikom prema susjednim zemljama. Bosna i Hercegovina je u programu Kreativna Evropa od 2014-te godine.

Media :

https://eacea.ec.europa.eu/creative-europe/actions/media_en

Distribution :

https://eacea.ec.europa.eu/creative-europe/actions/media/distribution_en

Distribution- Support to sales agents:

https://eacea.ec.europa.eu/creative-europe/funding/distribution-support-sales-agents-2016_en

Rok za prijavu: 03/10/2017

Distribution Automatic Support 2016 :

https://eacea.ec.europa.eu/creative-europe/funding/distribution-automatic-support-2016_en

Rok za prijavu: 01/08/2017

ERASMUS+

ERASMUS + je novi program Evropske unije za obrazovanje, obuku, mlade i sport za period 2014. – 2020. godine. Program Erasmus+ obuhvata sve evropske i međunarodne programe, mreže, platforme i inicijative EU u području obrazovanja, obuke, mladih i sporta¹. Namijenjen je učenicima, studentima, nastavnom i nenastavnom osoblju na svim nivoima obrazovanja, mladima između 13 i 30 godina, pojedincima, osoblju i članovima organizacijama koje rade sa mladima: sportskim radnicima, volonterima i sportistima.

http://ec.europa.eu/programmes/erasmus-plus/calls-for-proposals-tenders/2016-eac-a03_en

Kalendar događaja poslovnog povezivanja

Vijesti iz Evropske unije po željenim oblastima

Evropska preduzetnička mreža u Federaciji Bosne i Hercegovine

Vanjskotrgovinska komora Bosne i Hercegovine

een.ec.europa.eu



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
FOREIGN TRADE CHAMBER OF BOSNIA AND HERZEGOVINA

[Vanjskotrgovinska komora Bosne i Hercegovine](#)

